



292.216 申文(大野)
Sollc
4

ル5
4024
5

長安志卷第十七



櫟陽 涇陽 高陵 乾祐 渭南

櫟陽

櫟陽縣

唐畿今次畿西南至府九十里沅案元和郡縣志太平寰宇記皆云一百里

本秦舊縣獻公

自雍徙居焉

沅案史記秦本紀云獻公二年城櫟陽六國表云十一年為縣

漢高帝元年項羽

以司馬欣為塞王都櫟陽如涪曰櫟音藥二年高帝為漢王還

都櫟陽七年徙都長安高帝既葬太上皇於萬年陵遂分櫟陽

置萬年縣以為陵邑治櫟陽城中故櫟陽城亦名萬年城

沅案史記

城櫟陽徐廣曰徙都之今萬年是也正義括地志云櫟陽故城一名萬年城在雍州東北

王莽改曰師亭

沅案

亭改萬年曰異赤後漢省櫟陽入萬年後魏孝文太和二十二

長安志卷第十七

早稻田大學
文學部圖書

<99-477>
昭45・教育研究

45-1202

年析萬年置鄠縣沅案地形志作鄠云太和二十二年置屬馮翊太平寰宇記及此皆作鄠考水經注云渭水又東逕鄠縣西蓋隴西郡之鄠徙也則字作鄠是宣武景明元年又析置廣陽縣屬馮

翊郡周明帝二年省萬年入廣陽高陵二縣更於長安城中別

置萬年縣廣陽仍隸馮翊郡隋開皇三年罷郡以廣陽隸雍州

唐武德元年改為櫟陽沅案舊唐書云武德元年改萬年二年為櫟陽分櫟陽置平陵此皆缺載

析置粟邑縣沅案新唐書志云二年更平陵曰粟邑此不載平陵但云析置非貞觀八年廢粟

邑入焉天授二年隸鴻州大足元年還雍州沅案太平寰宇記云元和十五年四

月並移立奉先縣以奉景陵又案新唐書志云華州櫟陽天佑三年來屬此皆缺載

縣境東西五十二里南北三十一里

四鄉管四里唐二十五年鄉元和元年析大澤鄉隸富平縣奉豐陵十五年析萬年鄉隸奉先縣奉景陵餘不傳

五陵鄉在縣東管平定里

清州鄉在縣西北管奉尊里

永豐鄉在縣東北管芬芳里

寧遠鄉在縣西南管高唐里

縣城周三里

櫟陽鎮在郭下

粟邑鎮在縣東北三十四里石川河東莽曰粟成

渭水渡七西抵高陵縣東至下邽縣

田王渡 田家渡 周夏渡

聖力渡 萬安渡 耿渡

孟渡

石川河渡二並在縣東

橋渡 粟邑渡

渭河西自高陵縣界來入縣界流入下邽

石川河亦曰沮河在縣東三十里自華原富平兩縣來入縣界

合渭水水經注曰沮水東經萬年故城十三州志沅案水經注作關關曰此

以意萬年縣南沅案南當為西有涇渭北有小河謂此水也沅案此即禹貢漆沮

既從之沮水史記正義引括地志云沮水一名石川河源出雍州富平縣東入櫟陽縣南

五丈河在縣西南今涸

清渠在縣西耀州界青冶谷水下流也自三原高陵縣界來入

白渠至縣界合渭水

五渠其水自洪門分入高陵縣北下並入渭水

中白渠從北第一門七析波渠第五門二中南渠第三門七

高望渠第四門二偶南渠第五在北原之南門一

煮鹽澤在縣南十五里澤多鹽鹵符秦時於此煮鹽周二十里

清泉陂在縣西南十里多水族之利

畦時在縣東北二十里史記秦獻公時櫟陽雨金自以得金瑞

故於此作畦時櫟陽以祀白帝沅案封禪書云櫟陽雨金秦獻公自以為得金瑞故作畦時櫟

陽而祀白帝此以意改晉灼曰形如種莖畦時各一土封

古縣城在縣北東西五里南北三里

漢師得宮在縣界

胡唐觀在粟邑鎮西南去縣二十里舊圖經曰觀內昔寇尊師

舉家白日上昇今廢

要冊廟在清川鄉陰邨去縣五里

漢武帝廟在五陵鄉嚴店邨去縣西南十八里
廬陵王廟在五陵鄉大順保西南去縣二十里
漢太上皇陵在縣東北二十五里郡國縣道記曰高帝葬太上
皇於櫟陽北原其陵在東者太上皇在西者昭靈后也

涇陽

涇陽縣 唐畿今次畿南至府七十里沅案本秦舊縣史記秦昭
太平寰宇記云府北二百里疑非
王弟封涇陽君案今渭州平涼界涇陽故城是漢屬安定郡惠
帝四年改池陽縣屬左馮翊故城今在縣西北二里以其地在
池水之陽故曰池陽苻堅於今縣東南二十八里置涇陽縣後
魏於縣置咸陽郡 沅案元和郡縣志太平寰宇記後魏下有廢
字又案地形志云真君七年併石安則非廢
也又云景明二年復
屬咸陽此皆缺載非 後周建德中省池陽縣隋開皇三年罷咸

陽郡徙縣置於廢郡隸雍州即今縣也唐天授二年隸鼎州大

足元年還隸雍州

縣境 東西七十五里
南北二十五里

六鄉管六里 唐十
八里

瑞寧鄉管神狐里

永順鄉在縣東管耦南里 耦字類篇
疑只是偶

會仙鄉在縣東管仙洞里

廣吉鄉在縣東管張良里

河池鄉管養生里

宜善鄉在縣外管輔政里

洪池監在縣西北五十里掌三白渠

涇陽鎮在縣城西街北

臨涇鎮在縣西北宜善鄉白渠貫其中

迎冬驛在廣吉鄉十道志曰舊池陽縣城俗名

迎冬城城中有尹吉甫碑後為驛今廢

涇水渡九

百光渡

寧甘渡

涇甘渡

並縣西

臨涇渡

縣西北

睦城渡

縣西南

劉洪渡

縣南

張茄渡

郭渡

孫渡

並縣東南

石安原在縣西南七里

沅案元和郡縣志太平寰宇記皆云在南七里

崇二十丈東西

三十八里南入咸陽縣界崔鴻前秦錄曰符健攻張瑒于宜秋還登石安原而歎曰美哉斯原也悵然有終焉之志

長平坡在縣西南五十里

沅案元和郡縣志作五里非太平寰宇記同此

俗名睦城坂

東方朔記曰

沅案藝文類聚云別傳

漢武上甘泉

沅案藝文類聚上作幸

至長平坂

上馳道有蟲盤而覆地赤如生肝狀

沅案藝文類聚引云赤如牛肝

頭口鼻耳

齒盡具先驅旄頭馳還以聞方朔從上在後車

沅案藝文類聚上引作屬車

使往視之還對曰怪也

沅案藝文類聚引云朔曰此謂怪哉

上曰何謂對曰秦始皇

皇拘繫無罪幽殺無辜眾庶恨怨恨氣之所生也是地必秦之

故獄處也詔丞相公孫宏按地圖果秦獄也上曰善當何以去

之朔曰積憂者得酒而忘

沅案藝文類聚作解

置酒其上必消糜以酒澆

之果消

沅案藝文類聚引作乃取蟲置酒中立消

上大笑曰東方生真先生也賜帛

百匹自此之後屬車載酒

沅案藝文類聚引云屬車上盛酒又其餘所引與此多不同此文較多

涇水在縣西北自池陽縣界來東南入高陵縣界

白渠在縣西北六十里堰涇水入焉西自雲陽縣界來東入高

陵縣界十道志曰太白中白南白謂之三白渠也渠上斗門四

十八元和郡縣圖志曰太白渠在縣東北十里中白渠首承太

白渠東流入高陵縣界南白渠首承中白渠東南流亦入高陵縣界隋志有茂農渠疑是此沅案元和郡縣志承皆作受

三限口在縣東北在南北分渠處

限上十巡管斗門十一

限上下八巡管斗門八

南限管斗門十三

中限管斗門十二

北限管斗門三

焦穫藪在縣北亦名瓠口爾雅十藪周有焦穫郭璞曰今扶風

池陽縣瓠中是也詩云獫狁匪茹整居焦穫謂此也史記鄭國

鑿涇水自仲山西邸瓠口為渠水經注曰涇水東南流經瓠口

鄭白二渠出焉凡灌田萬頃沅案水經注無文或今本脫云

龍泉坡在縣南三里多蒲魚之利

胡縣城在縣西南角

秦望夷宮在縣東南八里沅案裴駟引張晏曰宮在長陵西北長平觀道東故亭處是也臨涇水作

之以望北夷

漢池陽宮在縣西北八里

長平觀在縣東南九里

赫連臺在縣北宜善鄉

龍泉廟在縣城西門外街北

涇河廟在瑞寧鄉

顯聖廟在廣吉鄉

五齊神廟在會仙鄉

白鹿神廟在瑞寧鄉

鄧太尉廟在河池鄉

高陵

高陵縣

唐畿今次畿西南至府八十里

本秦舊縣孝公置左輔都尉治所也史

記秦昭王弟封高陵君漢隸左馮翊王莽改曰千春其治在縣

西一里故城後漢左馮翊自長安出治高陵魏黃初元年改爲

高陸縣隸京兆郡

沅案晉亦屬京兆

其治今在縣西南後魏徙於今所

沅案後魏改屬馮翊此缺載

隋大業二年復爲高陵

沅案此當云又屬京兆郡

唐武德元

年析置鹿苑縣

沅案舊唐書志云武德二年此及新唐書志皆云元年誤

貞觀元年省天授

二年隸鴻州大足元年還雍州

縣境

東西二十八里南北三十三里

五鄉管一百一十九邨

唐七鄉會昌元年析清平鄉隸三原縣奉莊陵餘不傳沅案說文有邨亭

仁義鄉在縣西七里管邨二十

奉君鄉在縣北八里管邨一十五

修真鄉在縣東一里管邨二十五

上原鄉在縣西南一十里管邨二十八

閨國鄉在縣南一十八里管邨二十一

縣城周二里餘一百二十步隋大業七年築

高陵鎮在縣城內

渭橋鎮在縣南一十八里

毗沙鎮在縣西南一十八里

鴻臚館在縣南一十八里今廢

神皋驛在縣北一百五十步今廢

奉政原在縣南一十一里東西長三十里南北闊三里

鹿苑原在縣西南三十里東西長一十五里南北闊一里三輔

黃圖曰安陵有果園名鹿苑

涇水西南來自涇陽縣界合渭水

渭水在縣西南二十里來自咸陽界流入櫟陽界

白渠自涇陽縣界三限下中限為一渠流至縣界彭城兩下分

為四渠並溉民田唐寶曆元年令劉仁師請更水道渠成名劉公渠彭城堰

中南渠東西長三十五里

高望渠東西長三十五里

耦南渠東西長四十里

中白渠東西長三十里四渠下流並入櫟陽縣界

古縣城在縣西一里周七里崇一丈五尺闊四尺沅案此漢故城

高陸故城在縣西南周二里沅案此魏高陸故城

唐龍躍宮在縣西十四里唐神堯舊宅武德六年以奉義宮建龍躍宮德宗改為修真觀內有神堯眞容御井靈柏梁開平中廢

正道觀在縣北十三里有吳道子畫今存

法隆院在縣南一十五里唐大曆元年置

昭惠院在縣東南三里唐大中年置

慶安尼寺在縣西南十里唐初置貞觀元年重修後廢晉天福六年再修

鹿臺神廟在鹿苑原上郡國志曰鹿臺祠百姓祈禱水旱有感俗名鹿臺將軍沉案此書所引郡國志劉昭注本皆無當是郡國縣道記也

後秦二主墓姚萇姚興在縣東十三里沉案元和郡縣志姚興墓在縣東一十三里無姚萇太平寰宇記有

唐西平王李晟墓在縣東南十里沉案裴度撰神道碑云葬于高陵縣奉正原

乾祐

乾祐縣次畿西北去府二百五十里沉案新唐書云縣中下本漢洵陽縣地唐萬歲通天元年析商州豐陽縣地置安業縣沉案太平寰宇記云分豐陽縣及招喻左縣等谷逃戶以

置景龍二年隸雍州景雲元年復隸商州乾元元年改為乾元

縣隸京兆府尋還商州永泰元年為羌賊燒毀徙治今縣西北三十步長慶二年復治今縣光啟二年經蔡賊焚蕩復徙今縣

西北西王谷龍紀元年復歸舊縣漢乾祐二年隸京兆府改為乾祐縣

縣境東西三百二十五里南北三百五十里

五鄉管十五里沉案太平寰宇記云舊三鄉今五鄉

乾祐鄉在縣西管里五

蘊谷里 東柱里 長陵里

西柱里 乾祐里

小和鄉在縣西管里三

大和里

小和里

件谷里

大和鄉在縣東北管里三

瓦谷里

長望里

西王里

左綿鄉在縣西北管里三

黃花里

青度里

團田里

平定鄉在縣東北管歸安里

歸安鎮在縣南一百二十里

長陵山在縣東七十五里

沉案山在今鎮安縣東北二十里此縣名既屢易治又頻遷故紀其見在

山川道里也

夢谷山在縣東南三十里其山崇峻常有雲起

沉案山在今鎮安縣東北三十

里

石驢山在縣西南一百八十里山有石狀驢

沉案山在今鎮安縣東南一百里

石馬山在縣南三十里山有石狀馬

沉案山在今鎮安縣北四十五里

車輪山在縣南五里

沉案山在今鎮安縣北八十里

考山在縣北七十里

沉案山在今鎮安縣北百七十里

重崖山在縣東五里

沉案山在今鎮安縣東八十里

泮水在縣東五里出萬年縣界秦嶺下流入金州洵陽縣界

沉案

水經注作泮水云西出泮谿南流逕重巖堡西屈而東流逕其堡南東南注於旬水泮即泮字俗也

蘊水在縣西南七里出考山下流入泮河

沉案太平寰宇記云蘊水在縣西南七里

谷在今鎮安縣北七十里

洵河在縣西南一百里出萬年長安兩縣界秦嶺下南流經縣

入金州洵陽縣

沉案水經注作旬水云出旬山東南流逕平陽戍下又東南逕旬陽縣與泮水合

渭南

渭南縣 唐畿西至府 本漢新豐縣地前秦苻堅置渭南縣屬京

兆郡漢初有渭南郡因以取名述征記曰渭南縣夷狄所置則

謂堅也後魏孝昌三年徙置今縣東南四里明光原上為南新

豐縣仍置渭南郡西魏廢帝二年分置靈源中源二縣改南新

豐為渭南縣後周建德二年郡及二縣並廢入渭南屬雍州隋

文帝開皇十四年徙縣於今治 兩京道里記曰隋文帝過 唐武

德元年隸華州五年復隸雍州天授二年於零口鎮鴻州析渭

南慶山置鴻門縣領渭南慶山高陵櫟陽鴻門五縣大足元年

廢鴻州併鴻門入渭南縣隸雍州周顯德二年析隸華州

縣境 東西三十八里 南北七十五里

四鄉管八里 唐十九鄉

神德鄉在縣郭下管里二

仁和里 豐陰里

石泉鄉在縣西南管里二

曹劉里 崛泉里

神川鄉在縣南管里二

清化里 樂坊里

廣陽鄉在縣東管里二

臨渭里 金泉里

縣城周三里餘二十步崇九尺括地志曰隋煬帝大業九年築

渭南鎮在縣郭下

赤水鎮在縣東一十五里

墩子鎮在縣西南與藍田縣接境以南山多虎故立斤墩於此
渭南驛在縣郭內東至華州佑順館三十四里西至臨潼縣驛
六十二里南至商州洛南縣秦嶺為界無墩館北至耀州富平
縣驛七十里

東陽驛在縣東一十三里兩京道里記曰西魏大統十四年置
在東陽谷側因以為名

杜化驛在縣西一十三里兩京道里記曰亦大統十四年置在

杜化川二驛今廢

酋橋在縣東五里橋架酋水因名之

靈臺山在縣東南三十五里

倒獸山一名元象山在縣東南三十七里

沅案元和郡縣志太平寰宇記皆云在縣

東南五里十六國春秋曰王嘉字子平隱於東陽谷鑿崖穴而居

弟子傳業者數百人亦皆穴處石季龍兵亂棄其徒眾至於長
安潛德終南山結庵而止門人聞而復隨之乃遷於倒獸山即
此也

廣狗谷在縣南三十里

廣鄉原在縣東南十里水經注曰東陽水西陽水並南出廣鄉
原北垂

新豐原一名青原在縣西南二十里水經注曰冷水歷陰盤新
豐二原之間案今冷水經此原之右

胡城坡在縣南一十五里東西一十五里南北接山三十里

柳侯坡在縣東南一十五里東西一十里南北接山三十里

羝羝坡在縣西南二十里東西三十里南北接山三十里

蟬蛤塹在縣南二十里崇三十尺周二百步

孟家塹在縣南六十里崇一百尺周二百步

灰塹在縣西南五里崇三十尺周一百步

渭水西自臨潼縣界流入去縣四里東流入鄭縣界

酋水出縣西南石樓山水經注曰酋水出倒獸山南總五水單

流北注經秦步高宮東歷新豐原東而北經步壽宮西又入渭

東陽谷水出縣東南廣鄉原北

西陽谷水出縣東南廣鄉原北

杜化谷水出縣西南

零谷水出縣西

梁泉在縣東南一百五步

甘泉在縣城內

姜泉在縣城內

唐陸贄為尉有詩曰姜泉流渺渺夾砌樹陰陰蓋縣內多引流泉

漕渠在縣北一里來自臨潼東入鄭縣界今涸

王尚澤在縣西一十五里

靈池在縣東南二十五里後魏永熙元年水自湧出因而成池

周八十步

鴻門亭即漢高帝見項羽之處大道北下坂口名

半日邨太平寰宇記曰此邨以山高蔽虧陽形常照其一半

風門三秦記曰在新豐縣東南兩阜相對其所多風

釣魚峯在縣東南十七里

縣故城在縣城北周一里餘二百八十步崇一丈括地志曰渭

南故城在縣治東南四里西魏文帝大統十六年築案縣故城疑符堅所

置渭南縣括地志所引當是南新豐縣

右倉堡城在縣東三里

張堡城在縣東南三十里

嚴堡城在縣西南三十五里

青原堡城在縣西南二十五里

姚堡城在縣南二十里

胡城在縣南十里舊說匈奴休屠王部落降漢築此城以居因名胡城

秦步高宮一名市邱城在縣西南三十里

沅案元和郡縣志云二十里

隋崇業宮在縣東十五里煬帝大業二年置

唐遊龍宮在縣西一十一里兩京道里記曰唐開元二十五年

勅兩京行宮遠近不等宜令將大匠康誓與州縣均融修葺取

黑龍飲渭名之今有遺趾

建明觀在縣西三十里後魏普泰元年置今廢

慈雲寺在縣城內本唐啟休寺元和中置後改今名

後魏孝武帝孝陵在縣東南二十五里廣鄉原陵崇六丈周一

百二步石人虎尚存

長安志卷第十七終

思賢講舍校刊

長安志卷第十八

縣八

蒲城

整屋

蒲城

蒲城縣

唐次赤西南至府二百四十里沅案太平寰宇記云府東南九十里

本秦重泉縣史記秦

簡公城重泉

沅案史記正義曰重泉故城在同州蒲城縣東南

歷漢如之

沅案此當云屬左馮翊

莽曰調泉後漢復舊

沅案晉亦屬馮翊

至後魏省即今縣南五十里重

泉故城是孝文帝太和十一年

沅案地形志云十二年

分白水縣置南白

水縣以在白水之南為名

沅案此當云屬白水郡

西魏廢帝三年改白水

為蒲城縣以縣東有蒲城因名之本屬同州

沅案隋志云西魏置白水郡開皇初

郡廢則此當云隋屬馮翊郡此皆缺載又云本屬同州非又案元和郡縣志說亦同

唐開元四年以縣之

豐山建睿宗橋陵改為奉先縣仍隸京兆府南七年昇為赤天
祐三年復屬同州皇朝開寶四年改曰蒲城天禧四年隸華州

縣境東西九十里
南北八十里

十鄉管十里唐二十二年鄉元和元年析神泉鄉隸富平縣奉豐
陵十五年以櫟陽縣萬年鄉來屬奉景陵又有宜

化豐陽宜康
三鄉餘不傳

呂寧鄉管宜安里

善化鄉管孝仁里

崇德鄉管懷化里

龍樂鄉管豐山里

翔鸞鄉管懷仁里

普濟鄉管伍龍里

懷仁鄉管聖母里

蒲城鄉管溫泉里

原陽鄉管積善里

賢相鄉管勳貴里

縣城周八里一百八十步崇七尺壕深四尺

蒲城鎮在縣城內

荆姚鎮在縣西南三十里

車渡鎮在縣東南五十里

常樂鎮在縣東南四十里

漢帝鎮在縣東南一十八里

折衝府五

相原府

孝德府

溫陽府

宣化府

懷仁府

昌寧驛在縣城內

通智驛在縣西北景陵下去縣二十里

堯山驛在縣北光陵下去縣一十里

孝城驛在縣東北泰陵下去縣三十里

豐山驛在縣北橋陵下去縣三十里

豐山在縣西北三十里一名蘇愚山

金粟山在縣東北二十里

白堂山在縣東北三十五里舊圖經曰山之前秦白起立寨之

所因以為名沅案今方志云白堂山即良將谷據此與良將谷相去五里蓋志以白堂山為白堂谷

不羣山在縣東北白堂山南舊圖經曰諸山纍纍峯巒相接唯

此山孤迥因以為名俗謂之孤山

金熾山在縣西北二十里

堯山亦名浮山在縣北二十里舊圖經曰昔堯時洪水為災諸

山盡沒唯此山若浮因以為名

重山在堯山前舊圖經曰以其與堯山有重疊之象故號重山

銅斗山在縣西北四十里

馬冢山在縣西北五十里

木屐塹四在縣東偏南五十里沮水之岸舊說夏禹治水至此

屐下弃泥積之成塹各周二里崇一百尺

蟠龍神原在縣西三十里舊圖經曰唐明皇遊幸見原上雲霧

長安志卷第十
三
中有黃龍之狀於下得石狀似蟠龍以其地為龍樂鄉今其石尚存

夏將谷一名白堂谷在縣東北三十里

炭谷在縣西北二十里此谷出炭

佛空谷在縣西北三十五里谷內有佛空院唐會昌五年口

白馬谷在縣西北四十五里

洛水谷在縣東五十里由白水縣來南流一百里入同州馮翊

縣

白鹵泄渠在縣南四十里白鹵鹽池連東入沮水闊五十尺深

二丈蓋鹵水汎漲流注故曰鹵渠

溫湯在縣東六十里源出沮水之岸西流一里入于沮水

山陽堰在縣北一十里舊圖經曰為置陵寢修此堰

漫浴池在縣西一十五里漫源邨其水微小惟居民灌溉蔬圃

蓮子池在縣西北三十里舊有蓮蕩之利

東鹵池在縣南二十里漢書宣帝微時常困於蓮勺鹵中沅案微時

二字敬求意增如淳曰為人所困辱也蓮勺有鹽池縱廣十餘里其鄉

人名曰鹵中沅案漢書云名為鹵中服虔曰鹵中或曰澤中孟康曰蓮勺

縣西北也按漢蓮勺縣在此縣東南下邳縣界今此謂鹵中未

詳唐大德十二年東池生瑞鹽後勅禁斷鹽不復生沅案舊唐書文宗紀

云太和元年三月子丑朔度支奏京兆府奉先縣界鹵池側近

百姓取水柏柴燒灰煎鹽每一石灰得鹽一十二觔一兩亂法甚於鹹土請行禁絕今後犯者據灰計鹽一如兩池鹽法條例科斷從之即其事也

西鹵池在縣西四十里

重泉故城在縣南五十里

沅案史記正義引括地志云在縣東南四十五里

蒲城在縣東三十里

故同州城即漢祿祔城

賈城在縣西南一十八里古之賈國左氏傳謂芮伯梁伯賈伯伐曲沃是

晉城在縣東南五十里未詳所出

魯王宮城在縣西南四十里大統記曰即魯哀王城也視其餘迹尚有宮城板築之象今在內政邨

晉穆公寨在沮水東岸相去五里

晉太子虛糧寨在縣東北六十五里沮水西岸史記晉世家曰晉穆侯四年娶齊女姜氏為夫人七年伐條生太子仇杜預曰

條晉地漢地理志懷德縣禹貢北條荆山在南案今朝邑縣西

南有懷德故城即古條近焉虛糧史傳無聞

白起寨在縣東北三十里

避難堡在縣東北八十里未詳

同元觀在縣城內

仙臺觀在縣西二十里橋陵南唐金仙玉真二公主入道置此觀

鹵泊神祠在縣南二十里鹽池峯

馬跑將軍祠在縣西南四十里仇池邨

竹谷神路將軍神祠在縣西北一百里豐義邨

黃崖神祠在縣東南四十里常樂鎮諸坊邨

唐睿宗橋陵在縣西北三十里豐山圖經在蘇愚山宣化鄉積善邨封

內四十里陪葬太子三惠莊太子陵在橋陵東南三里惠文太子陵在東三里惠宣太子陵在東六里

並在柏城內公主三金仙梁國鄔國沅案會要有駙馬李思訓

元宗泰陵在縣東北三十里金粟山沅案元和郡縣志太平寰宇記云二十里

懷仁鄉散母邨封內七十六里下宮去陵五里陪葬一高力士

憲宗景陵在縣東北一十三里金熾山沅案太平寰宇記云豐陽鄉吳邨封內四十里陪葬妃后三

昭太子懿安郭太后孝明鄭太后王賢妃沅案會要又有惠

宣此缺

穆宗光陵在縣北二十里堯山西案嶺圖經在金熾山陵廟記在浮山宣康鄉

普濟延興二邨封內四十里下宮去陵五里陪葬后二恭王太后獻蕭

后

讓皇帝惠陵在縣西北一十里陵廟記一十五里豐陽鄉胡邨封內一

十里陪葬諸王三鄭王筠嗣宣王琳同安王珣公主三蔡國代國霍國沅案會要無代國霍國

賈大夫冢在縣西南一十八里春秋左氏傳昭二十八年曰昔

賈大夫惡娶妻而美三年不吉不笑御以如皋射雉獲之其妻

始笑而言杜預注曰賈國之大夫惡亦醜也今縣有賈城即古

之賈國

故重泉縣後唐王阜字代公為重泉令時大旱收奪強吏按察

豪猾由是澍雨有鸞集縣屋為雅樂應聲而舞旬日方去其化

感如此沅案此條上揭太平寰宇記加故重泉縣四字舊本脫

蓋屋

蓋屋縣唐畿東北至府一百三十里漢舊縣也武帝置屬右扶風山曲曰蓋

水曲曰屋因以名之後漢省晉復縣隸扶風郡後魏太平真君

七年併武功縣入焉後周天和二年徙縣今鄂縣西北三十五

里析雍州之終南郡於此置恆州領周南郡建德三年徙縣於

今治置周南郡沉案隋書地理志云後周又有倉城溫陽二縣在蓋屋尋並廢隋廢郡以縣隸

京兆郡唐武德三年廢恆州縣隸稷州復又於漢蓋屋故城置

終南縣八年省沉案舊唐書云貞觀八年廢終南入蓋屋縣則此誤在貞觀前似武德八年也貞觀元

年廢稷州復隸雍州沉案八年省天授二年又隸稷州大足元

年復隸雍州天寶元年改為宜壽縣至德一載沉案唐書志云至德三載三月

十八日新唐書云復為蓋屋沉案新唐書志云乾天復元年隸

鳳翔府沉案太平寰宇記云後唐同光元年割屬鳳翔

縣境東西七十一里南北一百六十里餘一百步

一十七鄉管三百二十五社唐十七鄉

望仙鄉在縣東四十里管社一十四

書臺鄉在縣東三十里管社一十七

仙檀鄉在縣東二十五里管社一十四

五柞鄉在縣東南三十五里管社一十四

長城鄉在縣東南七十里管社一十八

仙果鄉在縣南五十里管社一十五

神就鄉在縣西南三十里管社二十四

睦教鄉在縣東北三十里管社一十七

永泉鄉在縣東北二十里管社一十八

鳳泉鄉在縣東南一十五里管社一十八

陽化鄉在縣北四里管社二十七

豐邑鄉在縣西北三十里管社一十八

仙遊鄉在縣南二十里管社二十六

□□鄉在縣西北一十五里管社二十一

遷善鄉在縣西南一十三里管社一十四

長陽鄉在縣西二十里管社一十八

司竹鄉在縣東南二十里管社二十七

縣城周五里餘一百二十五步崇二丈二尺壕深一丈三尺

司竹監在縣東南三十里穆天子傳曰天子西征至元池奏廣

樂三日是日樂池乃植之竹沅案穆天子傳云天子西征至于元池天子三日休于元池之上乃

奏廣樂三日而終是日樂池天子乃樹之竹此節其文樹字作植史記曰渭川千畝竹漢謂秦

地有鄂杜竹林晉地道記司竹都尉治鄂縣其園周百里以供

國用唐置監丞掌之隋義寧元年唐高祖起兵其第三女平陽

公主舉兵於司竹園號娘子軍

葦園在縣東南三十里周二十頃

驛在縣城內至鄂縣驛七十里南至終南山櫻桃驛四十五里

櫻桃驛至三交驛五十五里

三交驛至林關驛四十五里

林關驛至洋州真符縣大望驛七十五里

駱谷關在縣西南一百二十里唐武德七年開駱谷道以通梁

州在今關北九里貞觀四年徙於此

古駱谷道漢魏舊道也南通蜀漢魏略曰少帝正始四年曹爽

伐蜀諸軍入駱谷三百餘里不得牛馬驢贏以轉運死略盡魏志曰少帝甘露三年蜀將姜維出駱谷圍長安卽此谷道也其後廢塞唐武德七年復開東北自鄠縣界西南經縣入西南入駱谷出駱谷入洋州興勢縣界

終南山去縣三十里

姜維嶺本名沈嶺在縣南五十里蜀後主延熙二十年大將軍

姜維率眾出駱谷經沈嶺

韋谷在縣西南三十里

倉谷在縣西南二十五里

故縣谷在縣西二十五里

底保谷在縣西南三十里

強弩谷在縣西南二十五里

西洛谷在縣南三十里

韓谷在縣東南二十五里

黃谷在縣東南二十五里

田谷在縣東三十里

牛谷在縣東南三十五里

赤谷在縣東南三十五里

壇谷在縣東南三十七里

洛谷在縣南三十里有道入洋州

玉女洞在縣南三十里洞門崇四尺闊三尺

渭水在縣北五里自鄠縣界來流入興平縣界

芒水水經注曰出南山芒谷逕玉女房水側山際有石室世謂

之玉女房又北逕縣之竹圃中分爲二水漢孺子詔曰沅案水經注作

沖帝詔曰翟義作亂於東霍鴻負倚蓋屋芒竹師古曰芒竹在蓋屋

南界芒水之曲而多竹林也即今司竹園是其地矣芒音亡一

水東北爲枝一水北流注渭

韓水在縣北三十里出終南山蒲澗北流二十五里入渭

沙河在縣東二里自終南山北流經縣界三十五里入渭

曲河在縣西五里其水亂泉水合之北流入渭

田谷河在縣東南三十五里出終南山下北流入黑水河水經注有

田溪水疑是此

鹹泉在縣東南三十里周三里

白龍泉在縣東北一里北流三里入渭

永女泉在縣西南五里

沒底泉在縣北一里流三里入渭

漆渠在縣南五里

韋谷渠在縣西南三十五里自南山流下至青化店太平寰宇記偉水在

縣東北五里疑是此沅案太平寰宇記記漆水在今縣北五里者或是雍水

靈軹在縣界漢武帝窋

望仙澤在縣東南三十七里沅案元和郡縣志云三十五里周一十里雍州記

曰望仙澤在蓋屋縣東南周地圖記曰望仙宮南澤中有石盤

龍兩所鱗甲動有雲氣聲如鳴鐘水經注曰槐里東漏水又北

歷葦圃西亦謂之仙澤元和郡縣圖志曰中有龍尾堆

仙遊澤在縣東南一十五里周一十二里

仙遊潭在縣南三十里闊二丈其水黑色相傳號五龍潭每歲

降中使投金龍隋志有溫湯圖經不載

讀書臺在縣東北二十七里舊圖經曰後漢馬融讀書所沅案今俗

以玉女房右為馬融石室疑非也

董龍社樹在縣西南三十里舊圖經曰董龍蓋屋人家貧邨社

眾人祭社逐出之龍遂以泥造飯祭之後穿地得黃金因大富

遂名董龍樹

終南故城郡國記曰即漢蓋屋城也沅案太平寰宇記引云唐武德二年于漢蓋屋故城

置終南縣八年縣廢因名終南城

宜壽城在縣西一里隋有宜壽宮疑置此城

五郡城在縣東南三十里周三里舊說有義兄弟五人共居此城不詳建立

嶮峒山寨在縣南九十五里

羅開山寨在縣南六十五里

解保寨在縣東北三十里

秦長楊宮在縣東南三十三里水經注曰漏水出南山赤谷東

北流經長楊宮東沅案太平寰宇記云漢長楊宮

漢五柞宮在縣東南三十八里沅案元和郡縣志云秦五柞宮

隋宜壽宮在縣東南三十三里隋志又有文山鳳皇等宮

仙遊宮在縣南三十五里舊圖經曰隋文帝避暑處

上清太平宮在縣東三十里清平鎮本北帝宮建隆元年置太

平興國二年重修改今名每三元聖節命使設醮歲以為常

興國觀在縣東三十二里沉案元和郡縣志云樓觀在縣東本三十七里太平寰宇記云同此

尹喜宅也周穆王為召幽逸之人置為道院相承至秦漢有道

士居之晉惠帝時重置其地舊有尹先生樓因名樓觀唐武德

初改名宗聖觀事具樓觀本記及先師傅太平興國三年改今

名

龍行寺在縣前一里唐開元十二年置

寶相寺在縣東一里餘二百五十步唐元和中置為光耀寺太

平興國三年改

崇明寺在縣西一百步唐元和十四年置為瑞光寺太平興國

三年改

仙遊寺在縣東三十五里唐咸通七年置

隋文帝廟在縣東五十里唐天寶三載建

老子廟在縣界華陽子錄記秦始皇好神仙於尹喜先生樓南

立老子廟晉惠帝元康五年更修蒔木萬株南北連亘七里給

戶三百供洒掃隋文帝開皇元年復修

尹先生廟在老子廟北先生內傳曰先生姓尹名喜周康王時

為大夫領散關長遇老君說道德五千文付先生先生白日上

昇於此

老子墓在縣界水經注曰就水北經大陵西俗謂之老子墓沉案

水經注俗作案老子為周柱下史適西戎耳為周柱史以世衰

世墓作陵入於此有家事非經證然莊子曰沉案水經注作老聃死秦失

弔之三號而出有家可也沉案此四字非水經注

長安志卷第十八終

思賢講舍校刊

長安志卷第十九

縣九

- 奉天
- 好時
- 華原
- 富平

奉天縣唐次赤東南至府一百六十里漢池陽縣地屬左馮翊晉屬扶風郡後

魏為咸陽郡寧夷縣地隋改寧夷曰醴泉隸京兆郡唐光宅元

年析醴泉始平好時武功幽州之永壽五縣之地置奉天縣沉案

舊唐書云文屬京兆郡沉案舊唐書云天授二年裁稷以縣西

北有唐高宗乾陵所在因名曰奉天興元元年德宗出幸升為

次赤乾寧二年以縣置乾州及覃王出鎮又以畿內之好時武

功蓋屋醴泉隸之尋並復舊天佑中李茂貞墨制以奉天縣復

乾州領奉天一縣梁乾化中昇為威勝軍析奉天好時武功整屋醴泉五縣以隸焉後唐同光二年罷軍名復為乾州屬鳳翔府領奉天好時二縣其武功醴泉二縣還京兆府蓋屋入鳳翔天成三年領奉天一縣其好時還京兆府皇朝乾德二年復析好時與邠州之永壽二縣隸之熙寧三年廢州以奉天隸永興

軍沅案奉天故城即今乾州治

縣境東西四十里南北八十里

四鄉管四里唐一十九鄉元和元年析神泉鄉隸富平奉豐陵有梁山岑陽二鄉餘不傳

孝節鄉在縣東南管文川里

仙仁鄉在縣南管披桂里

乾陵鄉在縣西管金井里

節義鄉在縣北管恭和里

辭祿鎮

子城周五里四十步城上闊一丈下闊二丈二尺崇二丈二尺壕深一丈八尺闊三丈漢乾祐中重修古羅城東北至子城西門外自北三面有城墻周一十一里崇二丈一尺上闊五尺下闊一丈二尺壕深一丈八尺闊三丈唐書曰建中元年五月築奉天城四年十月德宗避難于奉天初得衛士桑道茂請城奉天為王者之居外象龜形內分六街德宗素神道茂言遂命京兆尹嚴郢發眾數千與六軍士雜往城之時屬盛夏而土工大起人莫知其故至播遷都彼乃驗朱泚之亂驛在縣南三百步東至興平縣驛七十里北至永壽縣麻亭驛

八十里

梁山即禹貢所謂壺口治梁及岐又古公亶父踰梁山至于岐

下及秦立梁山宮皆此山也案此山當在左馮翊夏陽縣沅案夏陽今韓城縣夏陽梁山即禹貢

治梁及岐及詩奕奕梁山爾雅梁山晉望之山奉天梁山則古公亶父踰梁山及秦梁山宮之山敏求說非

莫谷水在縣東北二十里自永壽縣溫秀嶺經縣四十里入醴

泉縣界合涇水

漢好時故城在縣東北七里岑陽鄉周二里五十步崇三丈

唐好時故城在縣西北六里沅案元和郡縣志云貞觀八年廢

靈源寺在縣東南三十里唐開元八年置

漢楊喜將軍廟在縣南二十里

唐桑道茂廟在縣西南三百一十步漢乾祐元年重修

唐高宗乾陵與武皇后合葬在縣西北五里梁山鄉丈八青仁

控子三邨界周八十里有于闐國所進無字碑陪葬太子諸王

五章懷太子賢懿德太子重潤澤王上金許王素節邠王守禮公主一義陽沅案會要陪葬又有彭都公主永泰

公主安興公主特進王及善中書令薛元超特進劉審禮部尙書左僕射劉仁軌左衛將軍李謹行左武衛將軍高侃此皆缺

載

僖宗靖陵在縣東北一十五里岑陽鄉雞子堆封內四十里下

宮去陵五里與乾陵相接隔豹谷

商姐已墓在縣西五里莫谷西半崖陂內沅案武王殺姐已于鹿臺不當在此太平

寰宇記及此有姐已墓未知何据又案太平寰宇記又有陸賈墓在州東北二十里岑陽甘河西原

好時

好時縣唐畿東南至府一百八十里本漢縣屬右扶風舊縣在今縣東南四

十三里沅案元和郡縣志作十三里非奉天縣界好時故城是時者神明所依

止也以雍州積高神明之隩故立時以郊上帝諸神也漢書雍

王邯迎擊漢陳倉雍兵敗還走戰好時孟康曰時音止神靈之所止也好時縣莽

曰好邑後漢省晉元康中復於舊縣東南二里置好時縣後魏

隸扶風郡周建德三年省入莫西縣隋開皇十八年復改莫西

為好時縣大業三年省唐武德二年析醴泉縣復置好時縣於

莫谷東南隸雍州今奉天縣西北六里隋太子莊陵城是三年

隸稷州貞觀元年廢稷州復屬雍州二十一年與岐陽縣並廢

依舊置上宜縣沅案太平寰宇記云二十一年移于廢上宜縣置即今理也尋改上宜為好

時上宜縣隋開皇十八年置貞觀八年廢今縣治即舊香谷川也天授二年復隸

稷州大足元年還雍州後唐同光中隸鳳翔府長興元年還京

前奉天縣

縣境東西四十里南北四十里

二鄉管二里唐三十鄉沅案太平寰宇記云唐七鄉

武都鄉在縣東管教本里

美川鄉在縣西管繡川里

縣城周三里二百步崇一丈二尺闊一丈

大橫關

梁山在縣境沅案此即奉天梁山在今乾州北十里

塢山在縣東漢書顏師古注塢音邱毀反沅案山在今乾州東北

明月山在縣西北一十六里沅案太平寰宇記云在縣西十五里山在今乾州西與鳳翔

扶風分界

石門山在縣西一十五里美川鄉

武亭水在縣城東門外九十步自麟遊縣界來經縣四十里流入武功縣界沅案水今在乾州西四十里

莫谷水在縣西二十五里來自永壽縣界流經縣流入武功縣界沅案莫水今本水經字誤亦作莢非水在今乾州西北四十里

軒轅殿基在縣西南三里

臨平觀基在縣東南十七里

齊婁神廟在縣西北二十里明月山東嶺上

宇文陵在縣東一十五里

吳妃陵在縣西北二十里明月山下

華原

華原縣唐畿西南去府一百六十里本漢祓禱之地師古曰祓音丁活反又音丁外反禱音詡案說

文云祓受也從受示聲或說城郭市里高縣羊皮有不當入而欲入者暫下以驚牛馬曰祓故從受示詩曰何戈與祓故龍圖

閣直學士趙公師民常守耀州以為祓禱字從示悉祭神求福之意疑秦地尚武以擊兵得名非書見也沅案祓諧聲字而趙師民誤以為會意謬矣王安石字說亦

俱以諧聲字為會意故千慮無一得景帝二年置屬左馮翊

宣帝神爵二年鳳皇集祓禱城今縣東北一里祓禱故城是沅案

宋縣即唐治而元和郡縣志云在縣東南其後廢後漢永元九

十里蓋誤太平寰宇記亦云東北一里年復魏文帝自今寧州彭原縣界富平故城徙北地郡於此其

縣遂廢後魏初徙北地郡於今宜君縣界義亭故城於此置北

雍州永熙二年自三原縣界永安故城徙北雍州於今華原縣

西魏改為宜州又廢帝三年別立通州郡領泥陽縣沅案元和郡縣志云

泥陽故縣在隋開皇三年罷郡以縣屬宜州六年改泥陽為華

原縣大業三年省宜州縣屬京兆郡以土門縣入焉義寧二年

又於縣置宜君郡領華原宜君同官並置土門四縣沉案隋志云開皇初

郡廢唐武德元年罷郡立宜州貞觀十七年省宜州及土門縣以

華原同官二縣屬雍州宜君屬坊州垂拱元年改為永安縣沉案

唐書志新書天授二年又以永安縣置宜州領永安同官富平

美原四縣大足元年廢州改永安復為華原縣沉案舊唐書云大足元年廢宜

州縣還雍州神龍元年復為華原縣則此云大足元年改永安

復為華原者誤或大足元年廢州下脫神龍元年四字歟太平

寰宇記有隸京兆府天祐三年李茂貞據鳳翔僭行墨制以華原縣

置耀州建義勝軍節度領華原一縣析同州美原縣為鼎州以

為屬郡沉案職方考云耀州唐末屬李茂貞建為耀州置義勝軍梁正明元年改耀州為崇

州義勝軍為靜勝軍鼎州為裕州後唐同光元年復為耀州名

順義軍析雍州之富平三原雲陽同州之同官美原五縣屬焉

三年降為團練州周顯德中降為刺史州皇宋開寶五年陞為

感義軍節度太平興國二年改感德軍沉案縣故城在今耀州北

縣境東西三十里南北一百三十里

四鄉管一百七十二邨唐四鄉

流惠鄉在縣西北一里管邨二十七

石門鄉在縣西三十五里管邨二十五

孝義鄉在縣西北二十里管邨二十八

鳳遊鄉在縣北管邨二十二

子城周二里二百八十四步上闊七尺下闊一丈崇二丈一尺

羅城周七里四十步上闊七尺下闊三丈崇二丈五尺夾城壕闊三丈八尺羊馬城上不通人行下闊二丈五尺崇二丈五尺外城壕深二丈五尺闊六十尺

寧谷鎮在縣西北八十里

沈陽驛在子城內西至富平縣驛五十里西北至寧谷鎮驛八十里

寧谷驛在縣西北八十里寧谷鎮西北至邠州二百里

牛耳山在縣北六十里沅案山在今耀州北十八里此云六十里當是字誤

風孔山在縣東五里沅案此即今俗稱五臺山也

石門山在縣西北八十里

安君山在縣東五里

樹子山在縣北四十里

石皋山在縣北四十里

把樓山在縣北四十五里

土門山在縣東南四里水經注曰宜君水東南出土門山西沅案

水經注云又南出土門山西

三石山在縣北六十八里沅案山在今耀州北八十里

玉女山在縣西北六十里隋志有頰山圖經不載沅案山在今耀州北六十八里

清水谷在縣西三十五里石門鄉十道志一名鬼谷晉太康地

記扶風池陽縣有鬼谷先生所居今案此地即池陽之境又司

馬彪曰鬼谷在嵩山沅案司馬彪郡國志云案史記鬼谷在頰川陽城此亦以意改虞喜志林

在隴關裴秀雍州記有池陽未知孰是沅案史記甘茂傳蘇代說秦王曰甘茂居於秦



累世矣自殺塞及至鬼谷又曰王迎之使彼來則置之鬼谷索
隱曰鬼谷在關內雲陽是也正義曰劉伯莊云此鬼谷關內雲
陽非陽城者也案陽城鬼谷屬韓秦

不得言置之則言池陽者有據也 其水自縣西北雲陽縣界
來經縣八十里南流入三原縣界

沉案此即水經注黃嶽水水經注云出雲陽縣石門山黃嶽谷東南流注宜君水者今水出耀州逕涇陽三原至臨潼入石川河

漆水自縣東北同官縣界來經縣一十五里南流入富平縣界

沉案此即同官水樂史亦誤謂漆沮水蓋以下流合石川河遂有沮水之名並以爲漆水則益誤也水經注云濁水合澤泉俗謂之漆水又謂之爲漆沮水又曰沮水東與澤泉合據此則地形志萬年有漆沮水是俗稱耳 合沮水俗名石

川水 沉案此沮水是夏書漆沮既從及詩自土沮漆之沮而非夏書又東過漆沮之沮彼漆沮是洛水也孔安國晉灼闕

駟皆言之矣史記正義注漆沮既從云括地志云漆水源出岐州普潤縣東南岐山漆溪東入渭沮水一名石川水源出雍州富平縣東入櫟陽縣南十三州地理志云萬年縣南有涇渭北有小河即斯水也是其漆在今麟遊沮即石川水其又東過漆沮裴駟則引孔安國曰漆沮二水 周太王去豳度漆踰梁山止名亦曰洛水出馮翊北是即洛水

岐下故詩曰自土漆沮

沉案此沮即石川水其漆水則在麟遊敏求以證此漆非也

又曰率

西水滸至于岐下尚書曰導渭自烏鼠同穴東會于澧又東會

于涇又東過漆沮入于河孔安國曰漆沮一名洛水出馮翊北

沉案此漆沮即洛水水經注在華陰入渭非此沮漆之水敏求又誤引之 正義曰雍州漆水出扶風

漆縣西 沉案此孔穎達誤以夏書又東過漆沮之水 沮則不知所出

有二一出中部縣子午嶺亦曰子午水逕宜君縣仍在中部入洛者是地理志所云出北地直路縣東過馮翊郡北流入富平至臨潼入渭亦曰石川河是夏書漆沮既從及詩自土沮漆之 山海經曰涇渭合流三百里清濁不相雜東合漆沮水至

漳津入於河 沉案山海經無此文 又曰渝次之山漆水出焉北流注于渭

沉案山海經所說漆水北入渭渝次之山在竹山西南山東值今西安府境實非杜陵之岐山也其誤由劉昭注郡國志引之 始水經注曰渭水東過華陰縣北洛水入焉闕駟以爲漆沮之

水沅案此是今朝邑入河之洛一名漆沮與臨潼入渭之沮

沮水自縣西北邠州界來經縣九十五里南流合漆水入富平

縣界石川河沅案此即水經注黃嶽水以下流合石川河亦稱為沮水見前清水谷下

澗谷河水來自縣西北孝義鄉焦砦邨南流七十里入三原縣界

濁谷河水自縣西北孝義鄉大海邨來經縣四十五里南流入

三原縣界沅案水經注云濁水至白渠與澤泉合俗謂之涑水又謂為涑沮水絕白渠東逕萬年縣故城北為櫟陽

渠地形志萬年有漆沮水鄠道元言是俗稱即謂此耳敏求因此水入石川河並以石川水上流為漆沮誤矣

祓禩故城在縣東北一里

漢步壽宮在縣東北三里沅案宮宣帝置

姚萇殿在縣西北七十五里鳳遊鄉沅案太平寰宇記云十七里上有御池

泉水基址尚存

唐永安宮長安二年置

孫思邈舊宅今為僧寺在縣東五里流惠鄉惠政坊磬玉山

祓禩廟在縣東二里惠政坊

漢武帝廟在縣南五里冬溫坊

富平

富平縣唐次赤西南至府一百五十里本漢舊縣屬北地郡漢書曰北部都尉

治神泉障渾懷都尉治塞外渾懷障莽曰時武前漢縣治在今

靈州回樂縣界後漢徙今靈州彭原縣界晉徙縣於今縣西南

十一里懷德城後魏自今華原北祓禩故城徙北地郡於華原

縣東南通川故城西魏文帝大統五年自懷德城徙於今治周

閔帝二年於縣置中華郡沉案中華故城在今縣南武帝省郡以縣屬馮翊

隋開皇三年隸雍州唐天授二年隸宜州大足元年州廢還雍

州開元中徙縣於義亭城蓋古之鄉亭也貞元四年昇為赤後

唐同光元年隸耀州

縣境東西六十五里南北五十六里

一十一鄉一十一里管二百七十九邨唐四十四鄉元和元年以櫟陽縣大澤鄉奉先

縣神泉鄉來屬奉豐陵十五年析萬年鄉隸奉先縣奉景陵長慶四年析豐水鄉隸奉先縣奉先陵開成五年以三原縣仁少鄉來屬奉章陵又有周文通開會善三鄉餘不傳

招福鄉積善里在縣東北管邨二十八

義亭鄉龍門里在縣南管邨三十二

薄臺鄉懷仁里在縣西南管邨三十二

安豐鄉進善里在縣東南管邨三十二

永閏鄉京陽原義里在縣西北管邨二十八

大澤鄉龍西里在縣西南管邨一十一

豐閏鄉保濟里在縣東南管邨一十七

義林鄉神地里在縣西管邨一十六

脾陽鄉龍遊里在縣南管邨二十二

臨原鄉大秦里在縣東南管邨二十九

平皋鄉昌仁里在縣北管邨三十九

縣城周三里一十二步崇一丈五尺壕深八尺闊八尺

棘店鎮在縣南二十里

縣驛在縣城內西北至三原縣驛五十里南至華州一百三十

里

荆山在縣西南二十里

沅案元和郡縣志云三十五里者唐治不同

今名掘陵原尚

書曰荆岐既旅又曰導沂及岐至于荆山孔安國曰荆在岐山東非荆州之荆也方輿記曰昔黃帝鑄鼎於此帝王世紀禹鑄鼎於荆山在馮翊懷德之地今山下有荆渠

壇山在縣西北三十里

天乳山在縣西北二十五里兩峯相對類乳形

高陽峯在縣西北三十五里

羊蹄原在縣東南三十里

中華原在縣南三十里

北虜原在縣西北一十里

沅案地形志頻陽有南鹵原鹵虜字同當即此頻陽故城在今縣東此故

以原為南原也

八公塹在縣東南二十五里其塹兩畔各有一小谷象八字中心有塹象公字因以為名

萬戶塹在縣西三十里

黃金塹在縣西二十里

北虜川在縣北五里

薄臺川在縣南五里

沅案地形志云高陸有薄水即此

漆沮水在縣西北四十五里亦名石川水自華原縣界來入義亭脾陽豐閏三鄉通過

沅案水經注云濁水自白渠與澤泉合俗謂之柴水又謂之漆沮水地形志萬

年有漆沮水即此非夏書之漆沮

澤多泉在縣西一十三里永閏鄉溫泉邨東入薄臺川三十里

東南入漆沮河溉民田沅案此即水經注之澤泉云出沮東澤中與沮水隔原相去十五里東逕薄昭墓南又逕懷德城北東南注鄭渠合沮水又自沮直絕注濁水至白渠合焉故濁水得渠沮之名是也

鹹泉在縣東南五里

白馬泉在縣東一十里

鹽池澤在縣東南二十五里周回二十里

鄭國渠在縣南二十里史記曰秦既有事山東欲兼并諸侯諸侯益懼韓惠王聞秦之好興利沅案河渠書云韓聞秦之好興事自此已上皆敏求意增欲

罷之毋令東伐如淳曰欲罷勞之息秦伐韓之計乃使水工鄭國韋昭曰鄭國能治水故曰

水間說秦令鑿涇水自中山西邸瓠口為渠並北山東注洛徐廣曰出馮翊

始臣為間然渠成亦秦之利也韓延數年之命為秦開沅案溝洫志開

懷德縣三百餘里欲以溉田中作而覺秦欲殺鄭國鄭國曰

秦建作萬世之利也沅案韓延數年之命至此實王以為然沅案史記王作

卒使就渠渠就用注填闕之水溉澤鹵之地四萬餘頃收皆

畝一鍾於是關中為沃野無凶年秦以富彊卒併諸侯因命曰

鄭國渠

北白渠亦名大白渠在縣南二十里漢書武帝大始二年趙中

大夫白公鄭氏曰白姓公爵時人多相為公師古曰此時無公爵也蓋相呼尊老之稱耳復奏穿渠引

涇水首起谷口尾入櫟陽師古曰谷口即今雲陽縣治谷是注渭中袤二百里

溉田四千五百餘頃因名曰白渠民得其饒歌之曰田於何所

池陽谷口鄭國在前白渠起後師古曰鄭國興於秦時故云前舉雷為雲決渠

為雨師古曰雷盪也所以開渠者也涇水一石其泥數斗且溉且糞長我禾黍

如淳曰水淳衣食京師億萬之口案白渠西自三原縣界來流

經縣漑牌陽大澤豐閏三鄉民田四十里有斗門一十五所其
 水東入漆沮河唐永徽六年雍州長史長孫祥奏言往日鄭白
 渠漑田四萬餘頃今為富僧大賈競造碾磑止漑一萬許頃於
 是高宗令分檢渠上碾磑皆毀撤之未幾所毀皆復廣德二年
 尚書工部侍郎李栖筠復陳其弊代宗亦命拆去私碾磑七十
 餘所歲餘栖筠出常州私制如初至大曆中水利所及纔六千
 二百餘頃元和縣郡縣圖志曰白渠水起谷口尾入櫟陽延袤二百里漑田四千五百餘頃
 堰武渠在縣西北四十五里義林鄉來自華原縣界流經縣漑
 民田八里
 白馬渠在縣西北四十里義林鄉信義邨引漆沮河水漑民田
 一十五里

長澤渠在縣西北三十里義林鄉西陽邨引漆沮河水漑民田
 一十五里
 高望渠在縣西北二十五里義林鄉閭邨引漆沮河水漑民田
 三里
 文昌渠在縣西北一十七里永閏鄉自義林鄉引漆沮河水漑
 民田一十五里
 石水渠在縣西北二十五里引漆沮河水漑民田一十里
 永濟渠在縣西北二十五里引漆沮河水漑民田一十二里
 陽渠在縣西南二十八里引漆沮河水漑民田一十五里
 直城渠在縣西南二十里引漆沮河水漑民田二十里
 龍門堰在縣南二十里

石川堰在縣南二十里

常平堰在縣東南二十五里

樂視臺在縣西南三十里

胡馬臺在縣西南一十二里

懷德故城在縣西一十五里

沅案太平寰宇記云在縣西南十一里非漢懷德縣也蓋後漢未及

三國時因漢舊名于此立縣為名今有廢城存周三里漢書懷德縣屬左馮翊禹貢北

條荆山在南下有強梁原洛水東南入渭雍州瀆王莽曰德驩

秦穆公城在縣南三十里南面西面崇一丈五尺東面北面無

牆

直市城在縣西南一十五里事見漢宮室街陌下

雨金堡在縣東南三十里周八百步東有雨金泊史記秦獻公

十八年雨金櫟陽雨後因名堡案其地古櫟陽縣界也

王侯堡在縣西北四十五里

丁溪廟在縣南四十里

鹹泉廟在縣東南五里

漢武帝廟在縣南二十里

後周文帝廟去縣一十三里

秦王尊廟在縣東北三十里

後漢梁統廟在縣東北三十里

後魏孝武帝陵在縣東南二十五里

西魏文帝陵在縣東南二十五里

後周文帝成陵在縣西北一十三里

沅案元和郡縣志云在縣西北十五里

唐中宗定陵在縣西北一十五里陵廟記在縣東北一十三里龍泉山陵廟記曰

屏風山周文鄉郭門邨封內四十里下宮去陵五里陪葬太子一

節敏太公主五宜成長寧城安定安子重俊永壽王同皎韋鐵

代宗元陵在縣西北三十里檀山沅案元和郡縣志云四十里新唐書志云在西北二十五

里檀山永閏鄉管邨封內四十里下宮去陵五里

順宗豐陵在縣東北三十三里金甕山沅案元和郡縣志新唐書志云在東三十三里

甕金山舊作三十五里非通關鄉修善義周公孫三邨封內四十里下宮去

陵五里

文宗章陵在縣西北二十里天乳山永閏鄉洪波封內四十五

里下宮去陵三里陪葬楊賢妃沅案會要云章陵無陪葬非紫金山會善永閏

兩鄉范邨封內四十里下宮去陵七里

王翦墓在縣東二十七里沅案元和郡縣志云在縣東北三里太平寰宇記云一十七里

唐李光弼墓在縣西四十里沅案太平寰宇記又有薄昭墓在縣西一里重耳冢在縣東三十里

司馬欣墓在縣西二十五里此皆缺載

長安志卷第十九終

思賢講舍校刊

長安志卷第二十

縣十

三原

雲陽

同官

美原

三原

三原縣

唐次赤西南至府一百一十里沅案元和郡縣志同太平寰宇記云府正南五十里本漢池陽縣

之地案池陽縣惠帝四年置應劭曰在池水之陽前秦苻堅於

截孽山北置三原護軍以其地南有鄠原西有孟侯原北有白

鹿原是為三原

沅案太平寰宇記此下有云屬北地郡

後魏大武太平真君七年

罷護軍置三原縣屬北地郡

沅案此地形志缺載

周地圖記曰孝明孝昌

三年蕭寶寅逆亂關右毛洪賓立義柵捍賊莊帝永安元年於此置北雍州洪賓為刺史俗謂之洪賓柵其故城在縣北五十

五里

沅案元和郡縣志云五十五里太平寰宇記云四十五里舊作一十五里非

又徙縣於清水谷

沅案谷舊作在以義推之當為谷

又案魏書毛遐洪賓兄也亦有功於魏孝明

詔析北地郡之三原縣為建忠郡屬北雍州以旌其兄弟功也

周武帝建德二年郡廢以三原縣隸馮翊郡今縣治西北三十

一里三原故城是隋開皇三年以縣隸雍州沅案此當云大業中屬京兆郡唐

武德四年徙治清谷南故任城改為池陽縣六年又析故所改

為華池縣仍分置三原縣隸北泉州貞觀元年廢三原縣改華

池為三原縣隸雍州沅案唐書志云天授元年隸鼎州元年隸京兆府此皆缺載後唐同光

元年隸耀州

縣境東西四十七里南北四十里

一十二鄉管一百四十四邨唐二十鄉開成五年析仁化鄉隸富平縣奉章陵會昌元年以高陵

縣清平鄉來屬奉莊陵有太平鄉餘不傳沅案太平寰宇記云唐二十四鄉又案臧希晏墓碑有云葬于三原縣長坳鄉此亦鄉唐

豐元鄉在縣北管邨一十

萬壽鄉在縣北管邨八沅案于志寧墓碑有云葬于萬壽鄉即清池里又于大猷墓碑云夫人李氏合

葬于萬壽鄉長坳之先塋

清水鄉在縣西北管邨一十九

常平鄉在縣西南管邨一十八

萬福鄉在縣南管邨一十八

從化鄉在縣西南管邨一十三

修真鄉在縣西南管邨一十四

務高鄉在縣東南管邨七

神泉鄉在縣東管邨七

龍池鄉在縣東管邨六

新樂鄉在縣東管邨九

奉節鄉在縣南管邨五

縣城周二里餘一百二十步崇一丈

截孽山在縣西北六十里

堯門山在縣西北三十二里

沅案史記秦本紀云獻公三十一年與晉戰于石門正義引括地志

云堯門俗名石門在雍州三原縣西北上有路其狀若門故老云堯鑿山為門因名之武德中於此山南置石門縣貞觀中改為雲陽縣

為雲陽縣

天齊原在縣西北二十里

沅案元和郡縣志云二十五里

連截孽山上有天齊

祠

清水谷河自縣西北華原縣界來經縣西南入白渠東溉民田

十道志曰一名鬼谷晉太康地記扶風池陽縣有鬼谷先生所居今案此地即舊池陽之境而司馬彪云鬼谷在嵩山虞喜志林在隴關裴秀雍州記云在池陽縣諸說不同未知孰是

濁谷河自縣西北華原縣界來經縣西一十五里谷口有大堰

其水東流溉民田

六輔渠漢書元鼎六年倪寬為左內史奏請穿六輔渠

師古曰在鄭國

渠之東今尚謂之輔渠亦曰六渠也以益溉鄭國旁高仰之田

師古曰素不得鄭國之溉灌者也

謂上向也圖經曰此則於鄭國渠上流南岸更開六道小渠以

輔助溉灌耳今雲陽三原兩縣界此渠尚存鄉人名六渠亦號

輔渠

中白渠北白渠兩渠水自正西雲陽縣界來經縣通流過富平

縣界溉民田兩白渠下斗門二十八北白渠四十中白渠二十

黃白城在縣西南十五里後漢李催亂獻帝幸長安三輔饑歉欲徙帝於池陽黃白城

永安故城亦名洪賓柵在縣北十五里後魏北雍州城也孝武

永熙元年徙北雍州於宜州仍於城中置永安鎮今在富平縣

界

秦曲梁宮在黃白城內沅案水經注云濁谷水注鄭渠又東歷原逕曲梁城北又東逕太上陵南原下

則城以宮名也

寶應金輪寺唐寶應年置在縣東北一里餘二百四十七步

唐景皇帝永康陵在縣西北十八里豐原萬壽兩鄉大澹邨封

內二十五里唐陵廟記在縣西北三十里

高祖獻陵在縣東一十八里龍池鄉唐朱邨沅案元和郡縣志云十五里太平寰

宇記同此封內二十里下宮去陵五里陪葬諸王一十六河間王孝恭襄邑王

神符清河王誕韓王元嘉彭王元則道王元慶鄭王元懿號王

元鳳鄴王元亨徐王元禮滕王元嬰鄧王元裕魯王元夔霍王

元軌江王元元館功臣六楚將軍賀蘭公吳興公彭城公

祥密王元曉陶功臣六錢巢公邱將軍沅案邱將軍會

要云譚國公邱和是又案會要陪葬有楚國太妃萬氏此缺載

又案楊炯撰都督王湛神道碑云文明元年陪葬獻陵諸書所

無

敬宗莊陵在縣西北五里太平鄉胡邨封內四十里下宮去陵

八里陪葬一悼懷太子沅案河南通志云敬宗陵在偃師縣河

昭宗遷洛敬宗無先葬偃師之理又敬宗于高宗十世孫不得有御碑

武宗端陵在縣東一十里神泉鄉騰張邨封內四十里下宮去

陵四里陪葬一賢妃王氏沅案元和郡縣志太平寰宇

記又有于謹墓在縣北十八里此不載

雲陽

雲陽縣唐次赤西南至府一百二十里本漢縣昭帝置沅案昭帝所置乃雲陽屬

左馮翊古有雲陽宮因以為名沅案史記秦始皇本紀韓非死

在雍州雲陽縣西八十里秦始皇甘泉宮在焉亦為美原縣地沅案太平寰宇記作美

亦為雲陵縣地蓋匈奴金人祭天之所也後漢末省縣今縣西北六十

里古城即漢縣也魏志曰司馬宣王撫慰關中罷雲陽縣置撫

夷護軍及晉趙王倫鎮長安復罷護軍後氏羌反又立護軍後

魏太平真君七年罷護軍別置雲陽縣屬北地郡後周置雲陽

郡隋開皇初郡廢唐武德元年析雲陽縣置石門縣沅案史記正義引括

地志云堯門山在雍州三原縣西北武德中于此山南置石門縣三年於石門縣置泉州領石

門溫秀二縣徙雲陽縣於南十五里治水衝城貞觀元年廢泉

州省溫秀縣改石門縣為雲陽縣改雲陽縣為池陽縣屬雍州

省雲陽以其地入池陽而改曰雲陽天授二年以雲陽置鼎州

領雲陽三原涇陽醴泉四縣大足元年州廢縣隸京兆府沅案唐書

志當云隸雍州後唐同光元年析隸耀州

縣境東西七十里南北一百二十里

五鄉管七十四邨唐二十鄉金龜平泉古鼎三鄉今析置涇化縣有谷口鄉餘不傳沅案太平寰宇記云舊

鄉十七

流金鄉在縣東南管邨一十二

嵯峨鄉在縣北管邨一十八

萬善鄉在縣東管邨一十二

武康鄉在縣西管邨一十八

青龍鄉在縣南管邨一十四

縣城周二里餘一百一十步崇九尺壕深二尺

孟店鎮在縣東一十里

梨園鎮在金龜鄉王褒雲陽宮記曰車箱坂下有梨園漢武築

之大一頃樹數百株青翠繁密望之如車蓋鎮因名之沅案漢書音義

曰雲陽縣東南三十里有棠梨宮是也唐李克用以并師討邠岐駐軍梨園寨皇

朝淳化四年建為淳化縣以雲陽金龜平泉古鼎三鄉仍析山

後甘延溫豐威遠三鄉屬焉案太子中舍黃觀言此地山林深僻多聚盜賊遂建為縣

折衝府

水衝府在縣西南三里 仲山府在縣西北四十里

嵯峨山一名巖嶭山在縣東北十里東西二十五里南北二十

里漢書巖嶭山在陽池縣北師古曰俗呼嵯峨山是也音截齧

雲陽宮記曰東有慈峨山蓋又名慈峨四夷郡縣圖記曰山頂

有雲起即雨人以爲候昔黃帝鑄鼎於此山下

仲山在縣西北四十里史記漢武帝獲寶鼎於汾陰沅案此敏求以意改

迎鼎至甘泉從行上薦之至中山晏溫如淳曰三輔謂日出清濟爲晏晏而溫也沅案

史記作有黃雲蓋焉徐廣云關中有中山非冀州者也雲陽宮

記曰宮南三十里有仲山未詳古之何山山有竹箭生焉俗傳

高祖兄仲所居今山有仲子廟積旱祈之圍此射獵則風雨暴

至廟有一泉未曾水竭

甘泉山一名石鼓原俗云磨石嶺在縣西北九十里周六十里

關中記曰甘泉宮在甘泉山上漢書單于烽候以應甘泉即此

山也又有甘水經縣十道志曰甘泉水出石鼓西原
車箱坂在縣西北三十八里縈紆曲折單軌纔通上坂即平原
宏敞樓觀相屬即趨甘泉宮道也

涇水在縣西南二十五里水經注曰經水東流歷峽謂之涇峽

沅案水經注無文太平寰宇記亦引之

冶谷河水自縣西北涪化縣界來經縣嵯峨武康青龍等鄉溉
民田雲陽宮記曰冶谷去雲陽宮八十里封禪書所謂谷口是
也其山出鐵有冶鑄之利因以為名入谷便洪潦沸騰飛泉激
射兩岸皆峭壁孤豎橫盤坑谷凜然凝沍常如八九月中朱明
盛暑當晝暫暄凜秋晚候緼袍不暖所謂寒門者也又曰入冶
谷二十里有百里槐樹樹北有泉名曰金泉谷中有毛原監

五龍谷水水經注曰五龍水出雲陽宮西南

沅案水經注無文

鄭泉在縣西四十里雲陽宮記曰漢鄭朴子真隱於谷口高節
不屈耕於巖石之下名震京師時人因子真所居名為鄭泉

沅案

此泉今在醴泉縣界

金泉雲陽宮記曰泉出數穴清澈無底雍州記曰有人飲此泉
水見有金色從山中照水往取得金故名金泉

隋志有走馬泉

鄭國渠

大白渠自西南四十里涇陽縣界取涇河水洪門六門三明來
經縣入三原縣界溉民田

六輔渠

流金泊在縣東北一十里

古石蛇在縣西北四十里

漢故城在縣西北六十里

沉案史記正義引括地志及元和郡縣志皆云在縣西北八十里

雲陽宮在縣西北八十里今在涪化縣界

通天臺在縣西北八十一里

沉案舊本作八十里非

振錫寺在縣北一十五里嵯峨山上唐元和七年置徑路神祠

在甘泉山下漢書雲陽縣有休屠金人及徑路神祠三所越巫

貼鄴祠三所

沉案貼字當為媯今本漢書亦作媯非也

孟康曰貼音辜磔之辜越人

祠也鄴音穰屠音除音義曰匈奴祭天處本雲陽甘泉山下秦

奪其地後徙休屠右地郊祀志徑路神祠祭休屠王也

漢武帝廟在縣西

沉案太平寰宇記云在縣西北一百里

漢昭帝趙太后雲陵

文穎曰健仔先葬於雲陽是以就雲陽為陵師古曰在甘泉宮南今土俗人呼為女

陵

在故縣南

沉案史記正義引括地志云在雲陽縣西北五十八里

漢書鈞弋趙婕妤昭

帝母也史記曰鈞弋夫人死雲陽暴風揚塵

沉案此亦節本文三秦記

曰鈞弋夫人居甘泉宮三年不反遂即葬之名曰思合墓昭帝

即位追尊為皇太后發卒二萬人起雲陽邑三千戶列仙傳曰

鈞弋夫人齊人姓趙少好清淨病臥六年右手拳飲食少望氣

者云東北有貴人推而得之召到姿色甚佳武帝反其手得玉

鈞而手尋展遂生昭帝後武帝害之及殯尸香一月昭帝即位

更葬之棺空但有絲履雲陽記曰鈞弋夫人從至甘泉而卒尸

香聞十餘里葬雲陽武帝思之為起通靈臺於甘泉宮有一青

鳥集臺上往來至宣帝乃止

唐德宗崇陵在縣北一十五里

陵廟記在縣東北三十里

嵯峨鄉化青封內

四十里下宮去陵五里

宣宗貞陵在縣西北四十里

陵廟記在縣西十五里

小王山谷口鄉鄧邨

封內一百二十里下宮去陵十里

沅案太平寰宇記有李陵母冢在縣西北一十五里此不

同官

同官縣

唐畿西南至府二百一十里

本漢祓禰縣之地

上音地活反下虛羽反

屬左馮

胡晉為頻陽縣

沅案史記秦紀云厲共公二十一年初縣頻陽正義曰括地志云頻陽故城在雍州同官縣界

故頻陽縣城則頻陽秦縣也

十六國春秋曰苻堅於祓禰城東北銅官川置

銅官護軍後魏太武太平眞君七年罷護軍置銅官縣屬北地

郡莊帝永安元年屬宜君郡後周武帝建德四年自今縣東南

十里同官故縣徙於今治同字舊從金至是除金止作同字隋

開皇二年改宜君郡為宜州以縣屬焉大業二年省宜州以縣隸雍州唐貞觀初又屬宜州十七年州廢復來屬天授二年又隸宜州大足元年還雍州梁開平三年自京兆府析隸同州後唐同光元年隸雍州

縣境

東西一百三十里南北八十三里

四鄉管二百三邨

唐六鄉

丹青鄉在縣東管邨六十二

神水鄉在縣北管邨六十三

永寧鄉在縣南管邨四十一

喜化鄉在縣西南管邨三十七

縣城周一里無城壁

黃堡鎮在縣南三十里

文王山在縣西四十里

馬欄山在縣北

沅案今字亦作蘭山在今縣北三十里

三泉山在縣東南三十二里

白馬山在縣西北

沅案山在今縣西四十八里

女回山在縣境

沅案新唐志回作迴又案地形志石保有回女山疑即此俗方志云在今縣北四十里又案地形志有關

山石槃山

同官川水在縣北五十里自坊州宜君縣界來經縣南流入華

原縣界水經注曰同官水出祓祠城東北而西南經同官川謂

之銅官水

沅案水在今縣東北一里左合一水

雄同川在縣東四十里西南與同官川水合流入華原縣界

雷平川水在縣西北五十里入同官川水

沅案水在今縣西北二十里五恐當作二

烏湫川水在縣東二十五里入蒲城縣界

沅案水在今縣東北十五里

漢井泉水在縣東北三十里南合入烏湫川水

沅案水在今縣東北三十二里

大石盤川水在縣東北五十里馬欄山北東流入坊州宜君縣

界

沅案水在今縣北三十里

亭子泉在縣東二里

柏榆泉在縣西南一里

弩臺二

一在縣北一里一在縣西南一里

高山女華神廟在縣北四十里

沅案太平寰宇記云三十里

其山層峯秀出每有大風雷多從華岳至此舊說華岳女君在此山上人因立

祠每水旱禱祈有驗焉

美原

美原縣

唐畿西南至府一百八十里

本秦漢頻陽之地屬左馮翊漢書頻陽

秦厲公置

沅案史記厲共公二十一年為縣

應劭曰在頻水之陽舊縣在今縣

南三里頻陽故城是

沅案元和郡縣志云在西南三里又案頻陽二漢晉後魏俱屬馮翊

周地圖

記曰苻秦時於此置土門護軍後魏太武太平真君七年罷護

軍地入同官縣宣武景明元年省頻陽縣分銅官縣置土門縣

屬北地郡因縣界頻山有土闕狀似門故曰土門元和郡縣圖

志曰頻陽縣以縣西北十一里有頻山秦厲公於山南立縣故

曰頻陽又頻山有二土闕狀似門故曰土門隋大業二年省義

寧二年復置屬宜州唐貞觀十七年咸亨二年又割富平華原

及同州蒲城縣置美原縣於土門縣

故龍圖閣直學士趙公師民以為王尊請美田剪頻

陽人美原蓋取美田以名也

天授二年又置宜州縣仍隸焉大足元年還雍

州天復中

沅案新唐書云天佑二年

李茂貞墨制以縣為鼎州梁正明初改

為裕州隸崇州後唐同光元年復為美原縣屬雍州

縣境

東西五十六里南北三十三里

四鄉管七十一邨

唐十二鄉元和元年析義林旌義二鄉隸富平縣奉豐陵十五年析龍原鄉隸奉先縣景

陵餘不傳

永定鄉在郭下管邨二十一

通關鄉在縣西二十里管邨一十一

勾龍鄉在縣西北一十里管邨一十六

頻陽鄉在縣西南一十五里管邨二十二

縣城周二里餘八十步崇一丈五尺

頻山在縣北一十八里秦將王翦此縣人

石壘山在縣北一十五里

萬斛山在縣東北二十里

金粟山在縣北一十五里

玉鏡山在縣西北一十里

明月山在縣西北二十里

玉女山在縣西三十五里

大石谷澗在縣北一十五里

小石谷澗在縣北一十里

勾谷澗在縣西北一十五里

三泉谷澗在縣西北上三十里

梁邱澗在縣西四十五里

頻陽故城在縣西南五里

沅案元和郡縣志云三里太平寰宇記云南三里前敏求亦云南三里

周六里餘一百五十步

廣武城南鹵原案後魏地形志屬頻陽縣

靈集觀在縣西三十五里

鳴鳳寺在縣東門外二百步

化城寺在縣西北二十里明月山上

眞寂寺在縣西四十五里邑子山上

頻山神廟在縣西二十五里

秦王翦廟在縣東南一百步

長安志卷第二十終

思賢講舍校刊

長安志卷第二十

三

